

**ZAPISNIK**

**SA 31. PROŠIRENE ON LINE SJEDNICE UPRAVNOG ODBORA  
UDRUŽENJA POSLODAVACA FBiH**

**održane dana 14.04.2022. godine (četvrtak), sa početkom u 12:00 sati putem ZOOM aplikacije**

**Sjednici su prisustvovali članovi Upravnog odbora UPFBiH:** Adnan Smailbegović, Safudin Čengić, Snježana Kopruner, Suad Ećo, Nijaz Skenderagić, Eldin Hadžiselimović, Šejla Bojadžija, Nurdin Peštalić, Želimir Čamber i Kemal Čolak.

**Sjednici su po ovlaštenju članova Upravnog odbora UPFBiH prisustvovali:** Josip Milas (po ovlaštenju Ivana Ljubić), Esad Pelidija (po ovlaštenju Rusmira Hrvica), Nihad Begić (po ovlaštenju Stjepana Kumrića), Maja Budimir (po ovlaštenju Jadranke Penave) i Adnan Sirovica (po ovlaštenju Adise Karahodžić).

**Sjednici nisu prisustvovali članovi Upravnog odbora UPFBiH:** Ramiz Grapkić, Krasnodar Petrović, Ante Suton, Vilim Primorac i Admira Suljević koji su opravdali svoje odsustvo.

**Sjednici su pored članova UO** članovi ESV-a Edin Ibrahimpašić i Zoran Gazibarić.

**Ispred UP FBiH:** Mladen Pandurević i Mersiha Jusić.

Sjednicu je otvorio predsjednik Adnan Smailbegović i predložio slijedeći:

**DNEVNI RED**

1. Usvajanje Zapisnika sa 30. proširene sjednice Upravnog odbora UP FBiH;
2. Izjašnjavanje i glasanje o:
  - a) Odluci o pokretanju aktivnosti za rad na osnivanju privrednog društva za obavljanje stručnih poslova iz oblasti zaštite na radu;
  - b) Izmjeni i dopuni Pravilnika o radu UPFBiH;
  - c) Odluci o dopuni Odluke o osnivanju Centra za edukaciju;
  - d) Inicijativa za proširenje primjene granskih Kolektivnih ugovora koje je potpisalo Udruženje poslodavaca FBiH;
3. Razmatranje i usvajanje Odluke o imenovanju v.d. direktora UPFBiH;
4. Razmatranje i usvajanje Odluke o imenovanju direktora UPFBiH;
5. Tekuća pitanja

**Dnevni red je usvojen jednoglasno.**

**RASPRAVLJANJE PO TAČKAMA DNEVNOG REDA:**

**Tačka 1. Usvajanje zapisnika sa 30 proširene sjednice UO UP FBiH**

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

**A.D.1.1: Zapisnik sa 30. proširene on line sjednice UO UP FBiH je jednoglasno usvojen.**

**Tačka 2. Izjašnjavanje i glasanje o:**

- a) **Odluci o pokretanju aktivnosti za rad na osnivanju privrednog društva za obavljanje stručnih poslova iz oblasti zaštite na radu;**
- b) **Pravilniku o izmjeni i dopuni Pravilnika o radu UPFBiH;**
- c) **Odluci o dopuni Odluke o osnivanju Centra za edukaciju;**
- d) **Inicijativa za proširenje primjene granskih Kolektivnih ugovora koje je potpisalo Udruženje poslodavaca FBiH;**

Vezano za ovu tačku dnevnog reda predsjednik Smailbegović je istakao da se o svim tačkama na prošloj 30. sjednici Upravnog odbora vodila iscrpna rasprava te da zbog ne postojanja kvoruma na prošloj sjednici se nije moglo pristupiti glasanju. Obzirom da su sve tačke detaljno razmotrene na prošloj sjednici te da su navedene Odluke dostavljene ponovno u materijalima predlaže da se ponovo ne raspravlja već da se na osnovu zaključaka sa prošle sjednice pristupi glasanju o pojedinima tačkama.

Prijedlog predsjednika je prihvaćen od strane Upravnog odbora i članovi UO su pristupili glasanju. Nakon glasanja doneseni su sljedeći zaključci:

**A.D. 2.a) UO je sa 11 glasova ZA i 3 glasa PROTIV usvojio Odluci o pokretanju aktivnosti za rad na osnivanju privrednog društva za obavljanje stručnih poslova iz oblasti zaštite na radu;**

**A.D. 2.b) UO je jednoglasno usvojio Pravilnik o izmjenama i dopunama Pravilnika o radu UPFBiH;**

**A.D. 2.c) UO je jednoglasno usvojio Odluku o dopuni Odluke o osnivanju Centra za edukaciju;**

**A.D.2 d) UO je većinom glasova usvojio Inicijativa za proširenje primjene granskih Kolektivnih ugovora koje je potpisalo Udruženje poslodavaca FBiH;**

**Tačka 3. Razmatranje i usvajanje Odluke o imenovanju v.d. direktora UPFBiH;**

**Tačka 4. Razmatranje i usvajanje Odluke o imenovanju direktora UPFBiH;**

Predsjednik je predložio da se o tačkama 3. i 4. raspravlja zajedno i upoznao prisutne da je prema članu 42. Statuta Udruženja poslodavaca FBiH obaveza UO da imenuje i razrješava direktora a na prijedlog predsjednika Upravnog odbora.

Trenutnu funkciju direktora obavlja Mladen Pandurević koji je imenovan na mandatni period 2018-2022. godine. Obzirom da direktoru, Mladenu Pandureviću, ističe mandat 30.04.2022. godine, prema članu 31. Statuta UPFBiH, Upravni odbor treba izvršiti imenovanje direktora, reizborom sadašnjeg direktora ili izborom novog direktora Udruženja poslodavaca FBiH.

Imajući u vidu da Mladen Pandurević ne želi da se imenuje ponovo za novi mandat potrebno je imenovati novog direktora.

Predsjednik je upoznao prisutne da su obavljani razgovori sa nekoliko kandidata te da u skladu sa uslovima iz Statuta kandidat Mario Nenadić ispunjava uslove i prijedlog predsjednika je da se za novog direktora imenuje Mario Nenadić. Međutim kako Mario Nenadić funkciju direktora može preuzeti 01.08.2022.godine, potrebno je do imenovanja novog direktora imenovati vršioca dužnosti direktora, predsjednik je predložio da se u cilju obezbjeđenja kontinuiranog rada Udruženja poslodavaca u FBiH Mladen Pandurević imenuje za vršioca dužnosti direktora od 01.05.2022. godine do 31.07.2022. godine.

Safudin Čengić istakao da se Mladenu Pandureviću mora odati priznanje za 12 godine nesebičnog rada i truda na način da se organizuje svečana- tematska sjednica na kojoj će se uručiti priznanje.

Nakon diskusije doneseni su sljedeći zaključci:

**A.D. 3.1. Upravni odbor je jednoglasno donio Odluku o imenovanju Mladena Pandurevića za vršioca dužnosti direktora Udruženja poslodavaca FBiH u periodu od 01.05.2022. godine do 31.07.2022.godine.**

**A.D. 4.1. Upravni odbor je jednoglasno donio Odluku o imenovanju direktora Maria Nenadića na mandatni period od 4 godine počev od 01.08.2022.godine.**

## **Tačka 5. Tekuća pitanja**

Pod tekućim pitanjima raspravljalo se o:

- Zakonu o minimalnoj plaći

Predsjednik je upoznao prisutne da je sjednica ESV-a održana 13.04.2022. godine na kojoj je Vlada FBiH pokušala na dnevni red da stavi Nacrt Zakona o minimalnoj plaći. Poslodavci su isključivo bili protiv i nisu dozvolili da se uopšte stavi na dnevni red ESV-a, niti raspravlja o navedenom Zakonu koji je predložilo Ministarstvo finansija. Predsjednik je također upoznao prisutne da Vlada želi da stavi u proceduru ovaj Zakon te da Ministarstvo finansija nema namjeru da mijenja zakon. Prema predloženom Zakonu najniža plaća je 70% od prosječne plaće u FBiH i to bi trenutno iznosilo oko 740,00 KM. Vlada tvrdi da je u ovaj iznos uključen i topli obrok, mjesečna karta i regres.

Međutim, stav poslodavaca na sjednici UO je da je to još jedna prevara poslodavaca te da se na ovaj iznos dodaje topli obrok, mjesečna karta i regres što znači da će mjesečna minimalna plaća iznositi oko 1050,00 KM.

Svi prisutni su učestvovali u raspravi i jedinstven stav je da se UPFBiH mora boriti na svoj način i da se ne smije dozvoliti da ovaj Zakon o minimalnoj plaći u ovakvom obliku bude usvojen od strane Parlamenta. UPFBiH mora učiniti napor koristeći sve moguće instrumente uključujući i medije da sprječi da se ovaj Zakon usvoji u ovakvom obliku.

Nakon diskusije donoseni su sljedeći zaključci:

**A.D. 5.1. UO je jednoglasno donio Odluku o formiranju Radne grupe za pregovore sa Vladom i sindikatima o Zakonu o minimalnoj plaći. U radnu grupu imenuju se: Adnan Smailbegović, predsjednik, Mladen Pandurević, direktor, Safudin Čengić, član, Nihad Imširović, član i Mario Nenadić, član i budući direktor.**

**A.D. 5.2. Zadužuje se stručna služba da Nacrt Zakona o minimalnoj plaći dostavi svim članovima UO i članstvu UPFBiH.**

Sjednica je završena u 13:30 sati.

Zapisnik sačinila:  
Mersiha Jusić, sekretar

PREDSJEDNIK UPRAVNOG ODBORA  
Adnan Smailbegović